



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Catechismvs, Dat is, De Christelijcke leeringhe/ in  
maniere van t'samen-sprekinghe tusschen den Meester  
ende den Discipel**

**Coster, Franciscus**

**T'Antvverpen, 1607**

Hoe seer de sonden Gode mis-hagen/ met een gehebdt.

**urn:nbn:de:hbz:466:1-39385**



maer deur de gratie des Sacraments comit con-  
tritio, dat is / het vol-maectt berouw.

M. Hoe sullen wy een vol-maectt berouw in  
ons verwecken?

D. Deur het ouer-peysen / hoe snood' ende cley-  
wy zijn / die ghesondicht hebben : hoe groot ende  
maghtigh Godt is / teghen wien wy mis-daen  
hebben: ende / hoe seer de sonde Gode mis-haeght /  
wien wy daer mede vergramt hebben.

M. Hoe seer mis-haeght Gode de sonde?

D. Soo seer / dat hy om die / sijn schoonste Enge-  
len / upt den hemel in de eeuwigher verdoemenisse  
gheworpen heeft: en Adam met Eva upt het Pa-  
radijs ghehaeght / en de selue / met alle hunne nae-  
comelinghen / der eeuwigher verdoemenisse met  
andere ontallijcke ellenden onder-worpen.

M. Waer-om haet Godt de sonde soo groote-  
lijcks?

D. Om dat sijn vriendschappe / sijn ghebodt / sijn-  
nen hemel / ende helle / daer deur veracht worden.  
Want soo wie eenighe dood-sonde doet / die toont  
metter daedt / dat hy lieuer heeft een cozte oft cley-  
ne ghenoechte oft profijt dat upt de sonde come /  
dan Godt ende sijnen hemel: en dat hy op de helle  
niet en past : welke de meeste verclepninghe is /  
die-men Gode soude connen aen-doen.

M. Wat doet ghy, dir ouer-peyst hebbende?

D. Ick segghe / oft ick peyse : *O mijn alder-lief-  
ste Heere, ende Godt ! Ick haete ende verfoeye alle mij-  
ne sonden ; principaelijck daer ick nae mijn leste biech-  
te, v mede vergramt hebbe : sy zijn my bouen mae-  
ten leedt, ende my is leedt dat-se my niet vele leedder  
en zijn.*

M. Wat